



Broj: 22-04-44-1-90/19
Sarajevo, 01.04.2019. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 07:00 sati 29.03.2019. do 07:00 sati 01.04.2019. godine

U izvještajnom periodu Kantonalni operativni centar civilne zaštite primio je dvije informacije o pronalasku NUS-a:

- dana 29.03.2019. godine u 08:30 sati, od Službe civilne zaštite Općine Hadžići, da je na lokalitetu Šavnici kod Pazarića pronađena jedna ručna bomba,

- dana 30.03.2019. godine u 18:00 sati, od dispečera PVJ Sarajevo, da su vatrogasci prilikom gašenja niskog rastinja kod sela Solakovići (Općina Ilijaš) pronašli jednu tromblonsku minu i jedno nepoznato ubojno sredstvo.

O primljenim informacijama obaviješteni su pripadnici Tima za UES Federalne uprave civilne zaštite, koji će pronađena ubojna sredstva preuzeti u narednom periodu.



Profesionalna vatrogasna jedinica Kantonalne uprave civilne zaštite Kantona Sarajevo: U izvještajnom periodu pripadnici Profesionalne vatrogasne jedinice imali su 42 intervencije, od čega 37 požarnih intervencija (dvije veće), 2 tehničke intervencije (otvaranje vrata stana i sapiranje platforme na Aerodromu) i 3 intervencije obezbjeđenja (dvije utakmice i pretakanje goriva na Aerodromu).

Veće intervencije:

- dana 30.03.2019.godine u 10:59 sati u ulici Mejdan u Hrasnici, na gašenju požara na privatnoj kući. Požar je lokalizovan u 11:30 sati, a likvidiran u 13:22 sati. U gašenju požara učestvovalo je 9 vatrogasaca sa tri vatrogasna vozila. Pričinjena je materijalna šteta, a povrijeđenih osoba nije bilo.

- dana 31.03.2019. godine u 12:15 sati na brdu Hum na gašenju niskog rastinja. Ovaj požar je zahvatio veliku površinu i gasilo ga je 20 vatrogasaca sa 5 vatrogasnih vozila. Požar je likvidiran u 17:48 sati.

Manje intervencije: 29 intervencija na gašenju niskog rastinja i trave, 3 na gašenju dimnjaka na stambenim objektima, 2 na gašenju kontejnera sa smećem i 1 na gašenju gajbi ispred poslovnog objekta.

Napomena: U protekla 24 sata pripadnici Profesionalne vatrogasne jedinice imali su 20 intervencija, sve na gašenju niskog rastinja i trave na različitim lokacijama na području Kantona.

Gorska služba spašavanja (GSS) – stanica Sarajevo je u toku prethodne noći uspješno završila akciju potrage za dvije osobe koje su se izgubile na području Bukovika.

U 20:00 sati Kantonalni operativni centar civilne zaštite primio je informaciju, od građanina koji se predstavio kao brat jedne od izgubljenih osoba, da su se dvije odrasle osobe izgubile na području između Crepoljskog i Bukovika.

Nakon obavljene procedure aktiviranja spasilačkih službi, ovaj Centar je, po naredbi Direktora u 20:05 sati izdao nalog Gorskoj službi spašavanja - stanica Sarajevo da krene u akciju potrage za izgubljenim osobama. Intenzivnom potragom ekipe GSS-a su u 22:00 sati locirale izgubljene a u 22:33 sati došle do njih. Utvrđeno je da dvoje pronađenih nisu povrijeđeni te se pristupilo njihovom transportu prema Sarajevu.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 07:00 sati temperatura u Sarajevu na mjernoj stanici Bjelave je iznosila +4°C, vlažnost zraka 62%, barometarski pritisak 943 hPa.



BIHAMK: Saobraćaj na području Kantona Sarajevo se odvija uredno, osim na dionicama na kojima se izvode planirani radovi, gdje se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d., JP Željeznice Federacije BiH i JP Međunarodni Aerodrom Sarajevo**, gradski, međugradski i željeznički saobraćaj se odvijaju po ustaljenim redovima vožnje i letenja.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1